

मैं रंग रंगीला मांड्या,
घर में मांडणा सा,
म्हारा कान्हा जी पधारो,
म्हारे आंगणे सा ॥

पालने झुलावां थाने गोदी में खिलावां,
घुड़ल्यो बणा मैं थारो नाच के दिखावां,
थारे पैरा में पहरावां घुंघर बाजणा सा,
म्हारा कान्हा जी पधारों,
म्हारे आंगणे सा ॥

केसरिया बागो बाबा थाने मैं पहरावां,
मोर मुकुट पे थारे हीरा मैं जड़ावां,
बुरी नजरां से बचावां मन भावणा सा,
म्हारा कान्हा जी पधारों,
म्हारे आंगणे सा ॥

माखन मिश्री को भोग मैं लगावां,
छप्पन भोग का थारा थाल मैं सजावां,
थारा भगत करे मनुहार सेवा मानना सा,
म्हारा कान्हा जी पधारों,
म्हारे आंगणे सा ॥

श्याम दीवाना थारी महिमा है गावे,
ग्यारस की ग्यारस थारी ज्योत है जगावे,
थारे भजनां में बणजावां सगला बावला सा,
म्हारा कान्हा जी पधारों,
म्हारे आंगणे सा ॥

मैं रंग रंगीला मांड्या,
घर में मांडणा सा,
म्हारा कान्हा जी पधारो,
म्हारे आंगणे सा ॥

Singer Anil Sharma

Source:

<https://www.bharattemples.com/mhara-kanha-ji-padharo-mhare-aangane-sa/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>